

Téerëe bíní Yúdf rë Kúnsëe

Yee daa unna bíní Yúdf rë. Unna nék helay ow, wa bíníyú ílí janjii ow yéeh rí, te wa na sampi mada' a yee hom filiḅ uni ana fa bíní Peer ra.

Unna won sun fi yëeddëh yí padḍah ya, wa fa kaañu Koope te fahuu pes-neḅ kep yaa haalu filiḅ fi bëy ílí jaṇaa ra. Daaha, filiḅ unna, Yúdf teeḅpe bëy ílí jaṇaa ḍee nay kéendée Koope neebi sun fi bëewí yaa ra, ti di húmú paga' ri bëy Sodom a Gomoor ra nen.

Di wonte wa fi bëy ílí jaṇaa biti bal, wa ham ngémë híin, wa ḍage Koope faraah, wa habra' bëewë yíih yee nay waa gémé rë.

Bëyí fí janjii téeríi bee béeb ay ot biti unna diṅke naam, ndaa wa mín bedda' ow, nda bëe' baatti ham ngémí.

Wodoha

¹ Don fa dëek Baap-Koo ra, so' mi Yúdf súrgíi Yéesú-Kiristaa, so' mi koy-yaafi Saak, daa mi na wodoh ron. Baap-Koo faha'te ron ḍon fa yefru Yéesú-Kiristaa ra.

² Koope teeḅa ron naa'i-keeñi mínéh ḍúm, hëp rën jaamma, faha' ron faha'i mínéh ḍúm !

Yii lenjke yëeddëh yí padḍah ya na

³ Don fa faha' mi níi faha' yee ra, mi húmú sawoorte bíníi ron yii lenjke mújë boku yen ra lool. Ndaa lahte yii tahte leegi mi mínéh ron banti bíní, mi cagoh ron, ḍon haa' ḍon ham

ngémë on Koope bëewí rë híin. Ngémí baa daa ri bee ona' ri waal yínë kut teempe waali yíníi baa faw ra.

⁴ Ndah lahte bëewí kaañute Koope haalute filib fon ndaŋka, na wonu biti mali Koope tahte ow mín paŋ yii bosí neba' ri béëb. Wa kaa'uute yúhí Yéesú-Kiristaa, dí fa kut daa Kélfíi yen a Yíkíi yen dá. Húmú maañutee bíníyú Téerëe biti Koope ay daan wa fi bëewí bossi yah.

⁵ Yee nay mi ron wone bee ra, ðon yúhúté rí níi lante naam, ndaa mi faha' biti rek mí nérís rën dí. Nérsíi biti Koo-Yíkëe húmú sèmlë'té bëewí d'úhídté wë Ésíp. Filoon fi baaha, dí happe yee kaa'uu gém díi na waa na ra húl.

⁶ Nérsíi bal yee kat malaaka ya húmú heefu sañ-sañ yed' wa Koope ra níi wa koluute tígë húmú tíkú wë rë. Koope hampe wa pokalsa'te, bekke wa tígí ñúussé túf yeffe wa na níi yiin bisi gaana nay rii aattiyee ëldúnë rë.

⁷ Nérsíi bal yee húmú kat bëy Sodom a bëy Gomoor a ginna húmú hatni baaha ra. Wa húmú pesuu bos ti malaaka yi yaa nen, wa húmú saamute fanoh a i mbínéeffí bokuuy a wa.✧ Tígë homuu wa bee ra, wa daanute bekute kíi kíi në yíméh níi kiri fi kiri ra. Baa daa teeë bëewë yee nay kate bëyí paga' bos ra.

⁸ Bëewë haalu filib fon yaa ra madu ti bëy ginni yaa nen kep. Wa níbúu íñi saku sako, wa ñeye pagad'í bossa na sobeyil faanni wa ra, faaliyuuy Koope anti sole mbínéeffë sun.

⁹ Añcaŋ Mísel a faanaŋ fi, dí fa daa kélfíi malaaka ya ra sah, húmú poo'uu bani Seytaane

✧ 1:7 1.7 Saame Dalaana 19.1-25

floon di yii lenke búudé fí Mëyíis rë, dí kaañay sol Seytaane. Di won dí wono rek tih : « Yíkëe d'émpí b'ëp afu ! »

¹⁰ Ndaa, bëewë haalu filib fon yaa ra soluu yii wa yíih rí. Yee yúhú wë rë, wa yúhúu wë yúh'ëf raß, wa na níbih, te iñyaa daa nay tahe wa san'ku.

¹¹ Wa torohute ndah wa ñeyu kotti Kayeñ* ; wa helute waala wun ña ndah hélíis, ti di na húmú paga' ri Baalam* nen ; wa tikúu Koope af ti di húmú tikè' Kore Koope af nen. Yii baa daa tah wa san'kuyute ti Kore* nen.

¹² Ayi wa ndaje ílí jañaa koma' gace, ndah wa yípírúu yípírëe hécé fíi yí wë te në s'ëpíih në dara. Wa madu nérrí lahay muluß ngilaaw ma na kúcf wë nen. Wa kilikki na líméh koy ! Wuti wahtii wa lah raa sah, wa líméh koy ! Hen ñaa raa, wa lecuu tal-tal ka, wa húl'ë yínë faw.

¹³ Bëewë haalu filib fon yaa ra madu a mboowaanni gaanna kísí fë nen. Iñi s'ëpír'ë yë na pagu wa ra mada' a lossa na bet mboowaanna tíñ kísí fë rë nen. Wa madu a hulla na hémíh ílíy yínë rë nen. Hulli yah, Koope helidte wa tik tígë lukki ñúus d'ë, wa hom daaha faw.

¹⁴ Henok* fa non jamanii paana fa dala'te Aadama ra húmú maañcee won yii lenke bëewí yaa na won tih : « Síkíríi ! Yíkëe ac ayo a malaaka yi sela yi, yi caakute níi caak,

¹⁵ dí aattiya' bëewë béëß. Di ay daan bëewë tikúu rí af ra béëß ndah pagad'fi kaañ-Koope

✧ **1:11 1.11** Saame Dalaana 4.1-16 ✧ **1:11 1.11** Saame Kíni bëy Israyel 22.1-35 ; 31.16 ✧ **1:11 1.11** Saame Kíni bëy Israyel 16.1-35

✧ **1:14 1.14** Saame Dalaana 5.18-24

ya béeb na paguu wa a kaañ-Koo ra. Wa fi bakaaroh ya kaañu Koope yaa ra, Koope ay waa daan ndah solla solu wa ri ra béeb bal. »

¹⁶ Wa fi bëewí yah, keeñni wa déké' haay, wa dékúu wonaaloh. Wa fahuu pes-neb, nebute búk, te wa laas ow deef séentúu në yin.

¹⁷ Don fa faha' mi ní faha' yee ra nék, nérsii unna húmú wonu apootarri Yéesú-Kiristaa Yíkii yen filoon da.

¹⁸ Wa húmú wonu ron tih : « Míllëen jamanu, ay lah bëewí ay ayee ñaawla' te wa ay pesee fah pes-neb ndah kaañ-Koo. »

¹⁹ Wa fi yaa daa daralsuu koy-yaayya filib ngémë. Wa níbúu iñi ëldúnë kep, Ruuhi Koope ínih waa na.

²⁰ Ndaa, don fi yee faha' mi ní faha' yee ra, pëgí béeb don pokoh yee gémú ron te kola' Koope na ra, don saye. Lah dëgí Koope faraaah, Ruuh-Peseñ bedda' ron na.

²¹ Pëkí faha'a faha' ron Koope ra, don sehe Yéesú-Kiristaa Yíkii yen, dī fa nay yen teebe naa'-keeñ bití wahtaa lah, on yen pesa na dúméh rë.

²² Lah yérmí bëewë lahu nuf ana yee nay waa gémé rë, don habra' wa.

²³ Lahte na yi fí yúhté bití pagaddī wa saañ waa beke sanjku. Kon, fúulí wë në. Yaa aa na nék, lah yérmí wë, ndaa lah hélí nuf waa na. Ngënë lébí sah yii daa wa lahuu ri ní luka' búubbée ké wë sobe ndah pagaddī bossi wa ra.

²⁴⁻²⁵ Koope laha ndam, dī fa daa mín don kaa' keen bakaad, cëgícf dën fii dī fa líif a ndam ra, don lëhíh síkkë, keeñnon sos. Di fi Koope, dī fa

yíně kut dfa, dī fa ñeya' Yéésú-Kiristaa Yíkíi yen
na sēmlě'té yen dfa laha ndam, lah doole, katan
a sañ-sañ dala'te bín fě, a dee níi kiri fi karih !
Démíin !

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-20

PDF generated using Haiola and XeLaTeX on 28 Dec 2024 from source files dated 29 Jan 2022

a3a1238b-9393-5875-a4c5-1d3f38537bfe